

He - rold reef en al - le Win - de, Dat ge - köpp et El - sa se - cher

wödt, Wann kei - ner för ehn Un - schold feh - te köm, we't sich ge - hööt.

D.S. al Fine.

2. Lang wollt' er keine kumme:
 „Jawoll, gebacke Prumme!“
 Su reef der Telramund,
 Su geftig we hä kunnt.
 Et Els wor zo bedoore,
 Dat ärm Minsch war am loore
 Noh einem vun der Ritterschafi
 Der Rhing erop, erav.
 :: Doh op eimol reef et Volk: „E Wunder!“
 Dann et kom 'ne Schwan der Rhing erunder;
 Vör em Naache dän dä Vugel trook,
 Doh stund ne schöne stolze Kää.
 Der Telramund verschrook. ::

3. Un we en Donnerwedder
 Doh kom hä glich an't Ledder
 Däm falsche Telramund,
 Dat wor däm Lump gesund.
 Et Els wödt freigesproche,
 Un en de nächste Woche
 Spazeete, prächtig opgekratz,
 Dann Hä un It noh'm Platz!
 :: Och, en Esse! We dat gingk erunder!
 Hummer, Lachs, e Ferken en Burgunder,
 Dat dem Volk, dat hungriq Vivat reef,
 Et Wasser en der Muul, als we
 En Senk zesamme leef. ::

4. Dat eß no zo gelunge,
 Hä hatt sich uusbedunge,
 Dat it nit froge sollt,
 En ehrer Ungedold,
 Noh im, noh singem Wappe,
 Un wat för Dheer dren jappe,
 Söns wör et Ihglöck vör de Katz,
 Un glich wödt avgekratz!
 :: Wören se no nett nom Bett gegange,
 Hätt se nit ze frogan angefange!
 Doch om Kannepee de halve Naach,
 Do soßen se un sungen se,
 Wer hätt su jet gedaach! ::

5. Un we se su doh soße,
 Doh kunnt sei't doch nit lohse,
 Un saht för ehre Mann:
 „We heisch do eintlich dann?
 Sag, heisch do Köbes, Pitter?
 Wat beß do för 'ne Ritter?
 Häß do die Vatter och gekannt?
 Wo litt dien Heimatsland?“
 :: Och, do wödt hä wieß als wie 'ne Givvel,
 Wöhdig fohr hä en de Wasserstivvel.
 „Wer ich ben? Der Lohengrin ben ich,
 Mer han jet an de Fööß, Madam,
 Versecheren ich üch!“ ::

6. Un ileute op 'em Fleutche:
 „Adjüs, adjüs, leev Bräutche!
 Kiek doh, der Schwan, der Schwan!
 Doh kütt e ald eran.“
 Jitz liet sich nix miß maache!
 Dann sprung hä en der Naache
 Un winkte lang noch met der Hand
 Dem Elsa vun Brabant.
 :: En et Sackdooch kresch bedröv dat Irmche,
 Un it schwenkte met däm Sonneschirmche;
 Doch der Schwaneritter blees im jet,
 Do ging it widder op de Burg
 Un laht sich en et Bett. ::